



ORDENANZA NÚM.: 9

ORDENANZA FISCAL REGULADORA DA TAXA POR LICENZAS DE AUTOTAXIS E DEMAIS VEHÍCULOS DE ALUGUEIRO

Artigo 1.-FUNDAMENTO E NATUREZA.

En uso das facultades concedidas polos artigos 133.2 e 142 da Constitución e polo artigo 106 da Lei Nº 74 — xoves 18 abril 2002 BOLETÍN OFICIAL DE PONTEVEDRA 1 7 7/1985, de 2 de abril, reguladora das Bases de Réxime Local, e de conformidade có disposto nos artigos 15 a 19 da Lei 39/1988, de 28 decembro, reguladora das Facendas Locais, acordase a imposición e ordenación da **Taxa por licenzas de autotaxis e demais vehículos de alugueiro**, que se rexerá pola presente ordenanza fiscal, cuxas normas atenden ao previsto no artigo 58 da devandita Lei 39/88, do 28 de decembro.

Artigo 2.-FEITO IMPOÑIBLE.

1.Constitúe o feito imponible desta taxa a prestación dos servizos e a realización das actividades que, en relación coas licenzas de autotaxis e demais vehículos de alugueiro a que se refire o Regulamento aprobado polo Real Decreto 763/1979, de 16 de Marzo, se sinalan a continuación:

- a) Concesión e expedición de licenzas.
- b) Autorización para transmisión de licenzas, cando proceda o seu otorgamento, conforme á lexislación vixente.
- c) Autorización para substitución dos vehículos afectos ás licenzas, ben sexa este cambio de tipo voluntario ou por imposición legal.
- d) Revisión anual ordinaria dos vehículos e revisión extraordinaria a instancia de parte.
- e) Dilixenciamento dos libros-rexistro das empresas de servizos de transporte das clases C e D.

Artigo 3º.-SUXEITO PASIVO.

Están obrigados ao pago da taxa en concepto de suxeitos pasivos contribuíntes as persoas físicas ou xurídicas e as entidades, a que se refire o artigo 33 da Lei Xeral Tributaria, seguintes:

- 1) A persoa ou entidade a cuxo favor se otorgue a concesión e expedición da licenza, ou en cuxo favor se autorice a transmisión de dita licenza.
- 2) O titular da licenza cuxo vehículo sexa substituído ou obxecto de revisión, tanto ordinaria como extraordinaria, e cuxos libros-rexistros sexan dilixenciados.

Artigo 4º.-RESPONSABLES.

1. Responderán solidariamente das obrigas tributarias do suxeto pasivo as persoas físicas e xurídicas a que se refiren os artigos 38.1 e 39 da Lei Xeral Tributaria.

2. Serán responsables subsidiarios os administradores das sociedades e os síndicos, interventores ou liquidadores de quebras, sociedades e entidades en xeral, nos supostos e co alcance que sinala o artigo 40 da Lei Xeral Tributaria.

Artigo 5º.COTA TRIBUTARIA.

A cota desta taxa será a que figura no anexo desta Ordenanza.

Artigo 7º.DEVENGO.

1. Cando se trate da concesión de licenzas nace a obriga de contribuír na data en que este concello conceda e expida a correspondente licenza ou autorice a súa transmisión, ou no seu caso,



autorice a substitución do vehículo. Nembargantes, poderase considerar que nace a obriga de contribuír no momento de presentar a correspondente solicitude.

2. Cando se trate da prestación dos servizos de revisión de vehículos e de dilixenciamento de libros-rexistros, a taxa devengarase no momento en que se empece aquela prestación, entendendo a estes efectos, que dita iniciación se produce coa solicitude dos mesmos.

Artigo 8º.-DECLARACIÓN E INGRESO.

1. A realización das actividades e a prestación dos servizos suxeitos a esta Taxa levarase a cabo a instancia de parte.

2. Todas as cotas serán obxecto de liquidación por ingreso directo, unha vez concedidas as licenzas ou autorizacións de que se trate e realizados os servizos solicitados, procedendo os contribuintes ao seu pago no prazo establecido no artigo 20 do Regulamento Xeral de Recadación.

3. Nembargantes os concellos poderán esixir o ingreso no momento da prestación da solicitude en calidade de depósito previo.

Artigo 9º.-INFRACCIÓN E SANCIÓN.

En todo o relativo á calificación de infraccións tributarias, así como das sancións que ás mesmas correspondan en cada caso, estarase ó disposto nos artigos 77 e seguintes da Lei Xeral Tributaria.

DISPOSICIÓN FINAL.

A presente Ordenanza Fiscal, cuxa redacción definitiva foi aprobada polo Pleno da Corporación en sesión celebrada na data de 29 de setembro de 1989, entrará en vigor o mesmo día da súa publicación no Boletín Oficial da Provincia, e será de aplicación a partir do día 1 de xaneiro de 1990, permanecendo en vigor ata a súa publicación ou derrogación expresa.

CADRO DE TARIFAS.

a) Por cada troco de vehículo	11,35 Euros
b) Por cada troco de titularidade	80,50Euros
c) Por cada concesión de licenza	246,50 Euros

Aprobación definitiva: 29 de Setembro de 1989

PUBLICACIÓN NO B.O.P. núm.299 do 27 de Decembro de 1989

Modificacións

- no B.O.P. núm. 45 do 6 de marzo de 1997, aprobada polo Pleno o 28 de novembro de 1996 .
- no B.O.P. núm.11 do 16 de xaneiro de 2001, aprobada polo Pleno o 13 de Novembro de 2000.
- no B.O.P. núm.238 do 12 de decembro de 2001, aprobada polo Pleno o 27 de Setembro de 2001.
- no B.O.P. núm.244 do 20 de decembro de 2002, aprobada polo Pleno o 7 de Outubro de 2002.
- no B.O.P. núm. 247 do 23 de decembro de 2003, aprobada polo Pleno o 30 de Outubro de 2003
- no B.O.P. núm. 245 do 22 de decembro de 2004, aprobada polo Pleno o 14 de Outubro de 2004
- MODIFICACION no B.O.P. núm. 235 do 9 de decembro de 2005, aprobada polo Pleno o 29 de Setembro de 2005.
- no B.O.P. núm. 244 do 22 de decembro de 2006, aprobada polo Pleno o 2 de Novembro de 2006.
- no B.O.P. núm. 249 do 28 de decembro de 2007, aprobada polo Pleno o 9 de Novembro de 2007.